



Broj: 01-GV-02-1079-1126-1.1/23

Sarajevo, 26.07.2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo“, broj 7/23), na 30. sjednici Gradskog vijeća održanoj dana 26.07.2023., u povodu razmatranja Vijećničkih pitanja i inicijativa, Gradsko vijeće Grada Sarajeva usvojilo je sljedeće

ZAKLJUČKE

1. Grad Sarajevo će formirati radnu grupu za pripremu Projekta kataстра urbanog zelenila za područje Grada Sarajeva i da će osigurati sve potrebne uslove za njen rad.
2. Radna grupa će biti sastavljena i od relevantnih predstavnika subjekata koji su učestvovali u razvijanju ideja projekta izrade katastra urbanog zelenila Sarajeva, te drugih relevantnih subjekata.
3. Cilj radne grupe je izrada projektnog zadatka i procjena finansijskih sredstava kako bi se na vrijeme mogla planirati sredstva u okviru budžeta Grada Sarajeva i uputiti zahtjevi za sufinsaniranje ovog projekta Kantonu Sarajevo i drugim subjektima.

PREDSEDJAVA JUĆI GRADSKOG VIJEĆA

Jasmin Ademović, s.r.

Prilog: Inicijativa

Dostaviti:

- Gradonačelnici
- evidenciji
- a/a



PRIMLJENO: 21 JUL 2023

Orij. rad. broj:

01-01-02-1126/23

PRIMLJENO:

DATA:

Jasmin Ademović, predsjedavajući Gradskog vijeća,
u funkciji gradskog vijećnika i

Robert Pleše, gradski vijećnik

**GRADSKO VIJEĆE
PREDSJEDAVAJUĆI GRADSKOG VIJEĆA**

U skladu s članom 19. Poslovnika Gradskog vijeća, podnosi se inicijativa da Gradsko vijeće Grada Sarajeva donese sljedeće **zaključke**:

1. Grad Sarajevo će formirati radnu grupu za pripremu Projekta katastra urbanog zelenila za području Grada Sarajeva i osigurati sve potrebne uslove za njezin rad.
2. Radna grupa će biti sastavljena i od relevantnih predstavnika subjekata koji su učestvovali u razvijanju ideje projekta izrade katastra urbanog zelenila Sarajeva, te drugih relevantnih subjekata.
3. Cilj radne grupe je izrada projektnog zadatka i procjena finansijskih sredstava kako bi se na vrijeme mogla planirati sredstva u okviru budžeta Grada Sarajeva i uputiti zahtjevi za sufinsiranje ovog projekta Kantonu Sarajevo i drugim subjektima.

Potrebno je da se Gradsko vijeće izjasni o predloženim zaključcima.

Obrazloženje

Kao što je poznato, Sarajevo nema jedinstveni katastar urbanog zelenila i do sada je obrađen tek mali dio parkovskih površina u Sarajevu. Da bi se ovakva inicijative uputila Gradskom vijeću, bilo je potrebno najprije odgovoriti na pitanje, može li se Grad Sarajevo baviti ovim poslom i ako može, na koji način.

Grad Sarajevo kao jedinica lokalne samouprave, u formi u kojoj sada postoji, do sada nije imala puno osnova za djelovanje u ovoj oblasti.

Zakonom o vodama Grad Sarajevo je nadležan za upravljanje uređenim vodotocima i tu su jasni izvori finansiranja (a dio ovog projekta bi svakako bile i zelene površine uz vodotoke).

Kao što je poznato, Zakon o komunalnim djelatnostima Kantona, između ostalog, uređuje i komunalne djelatnosti zajedničke komunalne potrošnje, među kojima je i uređivanje i redovno održavanje zelenih i rekreativnih površina. Iako je Grad Sarajevo po Ustavu Kantona Sarajevo, i Statutu Grada Sarajeva, nadležan za održavanje gradskih parkova i gradskih grobalja, Zakonom o komunalnim djelatnostima Kantona Sarajevo, ove nadležnosti nisu provedeni, niti su utvrđena sredstva Gradu Sarajevo za vršenje ovih poslova. Za pokrivanje troškova zajedničke komunalne potrošnje, Zakonom je propisano uvođenje komunalne naknade, ali komunalna naknada nije nikada uvedena.

Podsjećam vas da je Ustavni sud FBIH, po osnovu zahtjeva gradonačelnika Grada Sarajeva za zaštitu prava na lokalnu samoupravu, donio presudu po kojoj je ovaj zakon povrijedio pravo Grada Sarajeva na lokalnu samoupravu i presudio da se taj zakon više ne može primjenjivati, ali se uz saglasnost općina i grada, primjenjuje dok se ne donesen novi .

Za očekivati je da će se, donošenjem novog Zakona o komunalnoj djelatnosti u Kantonu Sarajevo, sredstava ili izvori prihoda za ovu namjeru, utvrditi i za Grad Sarajevo. Prilika je da se budućim zakonom, jasno utvrdi obaveza izrade katastra urbanog zelenila.

Do tada, Grad Sarajevo može preuzeti lidersku ulogu u procesu razvijanja ideje i stvaranja uslova za izradu i realizaciju Projekta katastra urbanog zelenila Sarajeva, uz okupljanje svih relevantnih subjekata i postizanje sporazuma o sufinansiranju, kao što to radi i u drugim projektima.

S tim u vezi, dana 21.07.2023. godine, u organizaciji Predsjedavajućeg Gradskog vijeća, održan je radno - konsultativni sastanak s ciljem razvijanja ideje izrade projekta katastra urbanog zelenila za područje Grada Sarajeva.

Na sastanku su pozvani dr Sanela Klarić zastupnica u SKS, doc dr Pavle Krstić, ministar nauke, visokog obrazovanja i mlađih u Vladi Katnona Sarajevo, dipl. ing. Aida Koluder Agić, predsjedavajuća Odbora za urbanizam i upotrebu lokalnog zemljišta u Gradskom vijeću, Almir Bećarević ministar i Adnan Medić iz Ministarstvo komunalne privrede, infrastrukture, prostornog uređenja, građenja i zaštite okoliša, prof. dr. Alma Hajrudinović – Bogunić, docent Katedre za ekologiju šuma i urbanog zelenila na Šumarskom fakultetu u Sarajevu, Emira Hukić, predsjednica Asocijacije pejzažnih arhitekata u BiH, Berina Brčaninović, predstavnica Zavoda za planiranje razvoja Kantona Sarajevo, Amer Mudželet, izvršni direktor za proizvodnju, kapitalne investicije i RZC Plonirska dolina u KJKP „Park“ d.o.o., Enes Kazić, izvršni direktor za održavanje javnih zelenih površina KJKP „Park“ d.o.o., Robert Pleše, gradski vijećnik, inicijator sastanka kao i gradonačelnica Benjamina Karić sa saradnicima.

Na sastanku je prof. dr. Alma Hajrudinović – Bogunić, docent Katedre za ekologiju šuma i urbanog zelenila na Šumarskom fakultetu u Sarajevu je prezentirala katastar urbanog zelenila izrađen za područje Spomenparka Vraca i za određene parkovske površine u centralnom području Grada Sarajeva.

U diskusiji koja je uslijedila, iskazan je značaj projekta izrade digitalnog katastra urbanog zelenila Sarajeva, posebno u smislu osnovanog upravljanja urbanim zelenilom i daljeg razvoja kao segmenta ukupnog razvoja Sarajeva. Svi prisutni su dali punu podršku projektu, iskazali spremnost institucija iz kojih dolaze za saradnju na pripremi i realizaciji projekta, te stavili na raspolaganje svoje znanje i iskustvo s ciljem daljeg razvijanja projekta.

Iz svega je proizašla inicijativa prema Gradskom vijeću koju podnosimo.

U Sarajevu, 21.07.2023. godine